

近代中國史料叢刊第三十三輯
沈雲龍主編

馬端敏公（新貽）年譜

馬新祐編

文海出版社印行

諭賜祭文

朕惟疆臣懋績司勳聿著於旂常國
典飾終明祀宜先乎俎豆爰頒鳳綵
式啟雕筵爾原任兩江總督馬新貽
賦性剛方裊躬正直青緗積學登藥
榜以策名赤縣流膏自花封而發軔

理繁治劇竟出儒生除暴安良無慚
民牧屬寇氛之交煽佐大帥以立功
擘畫宏資頭銜疊畀堅城屢克擢柏
府以酬庸峻秩旋登晉薇垣而懋賞
皖南皖北牙旗隆保障之勳浙東浙
西心簡重股肱之寄洎乎衣披一品

位列兼圻奠半壁之河
綜中權之節制畫戟交
鸞綸詎料慘遭蜮射潰
良深晉宮銜而世賞推
賢良奉祀於戲光垂竹
之云遙氣達馨香永播

爾靈不昧尚克歆承

諭賜碑文

朕惟名高柱石連圻資經國之才禮
備哀榮篤眷展酬庸之典既陳雕俎
載勒貞珉爾原任兩江總督馬新貽
純粹植躬通明練事棘闈獻藝早奮
迹於巍科棠舍分猷著仁聲於比戶

迨東南之多事遂慷慨而從戎握虎
節以將兵柘皋績懋睹雀翎之煥彩
廬郡勳高嘉乃賢勞法服無慙於勇
繡歷夫艱險崇階晉秩乎烏臺喜軍
中之有韓屬民間之借寇自皖藩而
躋浙撫克揚節鉞之威綏黎庶而靖

崔苻彌重干城之寄朕念兩江之鉅
任莫如元老之壯猷命總師干借資
襄贊李光弼望隆閩外武元衡盜起
身旁驚覽飛章追惟蓋烈既宮銜之
特晉復世賞之優加綜厥生平謚為
端敏於戲恩光永被瞻螭文而綸綽

常新偉節誰傳指馬鬣而松楸有燿
欽予時命錫爾後昆

皇清誥授光祿大夫

特贈太子太保兵部尙書兼都察院右都御史兩江總督

馬端敏公年譜

弟新祐編次

公姓馬氏諱新貽字穀山號燕門別號鐵舫新祐之

第三兄也始祖諱鑑洪武初以軍功授指揮同知自

武昌徙官於曹因籍焉指揮公十三傳至五世祖諱

軼倫

康熙乙卯科武舉生子三高伯祖諱文雍正甲

寅科武舉高祖諱書圖與高叔祖諱龍圖同中雍正

乙卯科武舉曾祖諱殿丞濟甯州歲貢生莘縣教諭

祖諱上珍濟甯州學增廣生生子二長諱蘭臺荷澤

縣學生貽贈朝議大夫伯母氏馬貽贈太恭人次為

吾父贈光祿公江皖府君諱蘭藻荷澤縣學廩生充

道光丙午 恩貢選授嶧縣訓導

敕授修職郎娶前母李太夫人生大姊而歿繼配馬太夫

人又繼配蔣太夫人生子四長兄新郁出為伯父後

貽贈朝議大夫次兄新沐增貢生三品頂戴候選知

府三郎公自曾祖以下三代皆累贈如公官妣皆一

品夫人先世本由曹遷濟甯及江皖府君兄弟仍占
荷澤籍居曹州府城東北五十里之馬家海

道光元年辛巳十月初九日辰時蔣太夫人生公於里
第時吾父方授徒里居

二年壬午二歲

三年癸未三歲

四年甲申四歲

五年乙酉五歲是年四月新祐生

六年丙戌六歲始入塾讀書先贈公親課以毛詩小學

次第授四子書及諸經凡三年父執見者無不歎其

穎異

七年丁亥七歲

八年戊子八歲

九年己丑九歲始就外傳從伯母舅朝邑廩生馬梅坡

先生鉞受業公性沈默不好嬉戲庭闈昆弟間但見

愉婉之容卽接廝養輩亦從無疾言遽色有達官過

塾同學爭往觀之公獨危坐自若或問故答曰曠功

而仰面觀人何若用功令他日眾人觀我耶其童穉

之年志嚮如此

十年庚寅十歲是年先贈公爲次兄議婚聘東平展光烈公女

十一年辛卯十一歲從同邑庠生張靈槎先生

漢清受

業是年十一月長兄娶嫂氏郭恭人

十二年壬辰十二歲從同邑庠生劉靜宇先生

化野受

業

十三年癸巳十三歲從同邑增生田達坪先生

鴻吉受

業是年補讀爾雅公羊穀梁初學作詩文

十四年甲午十四歲

十五年乙未十五歲初應童子試詩文見賞於邑尊先

贈公爲議婚聘河南睢州金美軒公女

十六年丙申十六歲是年先贈公爲新祐議婚聘河南

商邱楊壽甫公女

十七年丁酉十七歲從孫衍疇先生

欽範

習詞賦各體

詩府縣試均列前茅文名大噪

十八年戊戌十八歲

十九年己亥十九歲從鉅野貢生張旃詹先生

夢旂

受

業與次兄應童試皆列前茅府縣尊歎賞不置一時有雙璧之目

二十年庚子二十歲從濮州廩生劉協三先生瑞霖受

業府縣試均前列

二十一年辛丑二十一歲與次兄同補縣學生員學政

為鎮洋李公汝橋是年正月次兄娶嫂氏展淑人

二十二年壬寅二十二歲從單縣廩生許石泉先生桂

芬受業科試經古俱優等六月嫂氏金夫人來歸

二十三年癸卯二十三歲鄉試備薦自此以後三四年

閉戶自精益留心有用之學

二十四年甲辰二十四歲間業於金鄉李雨泉先生清

運乙未舉人學政吳江殷學士壽彭歲試經古拔公

第一正案一第一名補廩膳生應恩科鄉試出高

密縣知縣秦友芝先生金鑑房秦浙江人庚子進士

是年七月長女生

二十五年乙巳二十五歲從莘縣高曉巖先生清岱受

業壬辰舉人三月科試經古正案俱優等秋間先贈

公赴泰安考貢公隨行

二十六年丙午二十六歲鄉試中式第二十八名舉人

房師為武城縣知縣中州尚書岡先生 鳴岐 庚子進

士座師正考官通政使司副使通海朱檄堂先生 嶗

乙卯進士副考官翰林院編修光州吳南池先生 保

泰 庚子進士十一月次見生子藝林

二十七年丁未二十七歲應禮部試中式二十三名貢

士房師翰林院編修今官禮部左侍郎善化黃恕皆

先生 倬 庚子進士座師正總裁武英殿大學士吳縣

潘文恭公副總裁工部尚書後官大學士濱州杜文

正公吏部右侍郎後官安徽巡撫滿洲福元修先生
兵部右侍郎後官大學士蕭山朱文端公

殿試三甲六名

賜同進士出身引

見奉

旨以知縣卽用籤發安徽是年四月次女生五月新祐補
縣學生員十一月先贈公爲新祐娶婦楊氏十二月
到安慶省住二郎巷

二十八年戊申二十八歲正月移居八卦門外二月安

慶府傅湘坪先生

繼助

請派瀛局幫同審案自是壹

意講求民生利病聽斷精密雖老於吏事者皆斂手
推服九月次兄送新祐至皖寓讀書

二十九年己酉二十九歲春間移寓雙蓮寺街四月奉

委赴泗州清查歷年積欠漕項六月奉委代理太和

縣廉缺七月二十二日受篆任事一切仍舊例上臺

以公初登仕版措置咸宜皆爲刮目九月次兄侍伯

母暨吾母挈嫂氏姪女抵署十月初卸事回省命新

祐旋里

三十年庚戌三十歲正月十四日

宣宗成皇帝升遐遵制穿孝是月委署宿松縣事二月抵任
奉伯母及吾母就養嫂氏姪女均隨任初受篆士民
吏役或疑長官未諳吏治公終日坐堂皇理詞訟除
蠹弊數月而境內懾服有在籍庶吉士石廣鈞等頌
公德政詩一時傳誦循聲大起是年八月季女生
咸豐元年辛亥三十一歲二月卸宿松縣事向例存倉
穀石原交原卸不過斗量本任某君卸事時公循例
結報至是某回本任必欲斗量頗有折耗眾爲不平

公曰不過斗情也必過斗
無不可者人以是服公大
署亳州事仍奉母攜眷赴
最時粵氛已起淮北不逞
驟難改革誅不勝誅而王
城三十七里之廟兒集地
羽數百人豪橫鄉里公於
壯親往捕之鴨聞颺去公
責令管束改過自新不爾

約鄧鵬之黨稍稍散矣而東北鄉之觀音堂土棍李
大洪二洪兄弟聞之糾數百人掠廟兒集鵬曰州官
得毋疑我勾引耶且我族近鎮何得容人肆掠遂與
鬪追擒大洪兄弟及其黨十三人詣義門巡檢解州
求贖前罪已復取東來私販之鹽與太和鹽梟某角
勝競利商邱土人捕之鵬拒傷多人公懸重賞購之
爲就撫而不守本分者戒卒置鄧鵬於法人尤服公
之寬猛兼濟不僅以力服人也當時著名土棍朱姓
混名洪武及劉萬鑑張松等二十餘名皆詣縣泥首

求改過自新卒不爲惡先是公數專使送先贈公就
養先贈公輒不許是年始蒞官舍見公行政欣然樂
之仍念故鄉風土不數月卽歸

二年壬子三十二歲春開新祐送夫嫂至亳州四月題
補建平縣缺六月奉調文闈卸亳州事充第十二房
同考官本房中式十三人皆知名之士得士之盛爲
諸房最榜後回安慶講各憲十一月初履建平任時
粵氛已及湖北各路人心惶惶鄰邑頑戶方糾眾鬧
漕建民挾書吏前隙糾眾入城毀糧房書吏宅公卽

時出署彈壓鄉民無一人敢近署門者翼日集諸紳董諭以鄉民聚眾抄毀本應嚴辦姑念蠢愚無知亦漕書等積習所致今暫弗深究後若不悛治罪不貸因將前任預定漕米折價每石核減五百文以甦民困出示布告四鄉不數日鄉耆入城頂香感泣者幾及千人謂前事雖爲漕書苛偏而無知犯法重獲咎戾非新官慈惠嚴明則身家俱毀闔境亦不安矣由是頌聲載道戴公如父師焉明年正月安慶失守金陵相繼陷賊建平彈丸之地介乎其間民無異志賴

公能洽輿情故也

三年癸丑三十三歲在建平任春間逆氛南擾鄰縣告警伯母及吾母本擬由亳州赴養次見及新祐念亳建路梗而亳民亦漸不靖卽於二月初侍安輿挈全眷回里是時賊距建平密邇公捐廉募勇練習防守並講說同仇敵愾大義民心始定秋間東壩警聞賊蹤奄至距城二十里之東夏地方縣人夜驚爭度南門弔橋公巡城見之大呼曰有縣令在無擾贖法者聽去濱河慮有蹉跌命以燭導行者百姓同聲仰答

曰城內兵少糧竭慮不敵故思避去今慈父母爲我
等巡防不輟何忍他往天明相繼折回城中公坐西
敵樓竟日調度練首民勇登陴賊抵近城數里忽退
去有自賊中逸出者知是日賊已決計攻城因見防
守安靜正深疑惑兼聞張忠武公由蕪湖來斷後路
故退也

四年甲寅三十四歲在建平任益講求防守事宜同時
大江南北皆多募勇丁民間紛擾又或按戶派捐助
帑建平獨不然時行省已暫治廣州公致書帶勇防

刺之署合肥縣張文斌署定遠縣李從洲前署鳳陽
縣黃元吉請轉陳上憲誓願奮跡戎馬以報國恩

中丞李公

嘉端

及劉方伯

裕軫

咸嘉公之請十月調

署定遠縣事百姓數千人不期而赴東夏阻新任進

城公聞大駭多方禁止勸導眾誓死固爭事聞於上

臺因令公暫緩交卸建平紳民踴躍輸將立措銀壹

萬兩濟省城軍需感上臺能爲民擇令故也嗣廬州

不守撫藩急檄派捐公以小邑自行防守尙未辦捐

今若抑勒恐人心離散抗辭申復旋改委劉大令

履

中
接署公先期告諭紳民謂已得請於上臺不久卽
回本任慎勿再蹈前轍以致見疑眾乃聽公公去建
平四民送者填塞衢巷竟日步行始達東郭汔於梅
渚四十里送者不絕先是有監生宗某抗糧不還公
拘其子繫之獄紳士爲請罪盡輸逋賦乃釋至是蹠
道左乞公過其家乃見有長生祿位朝夕拜祝蓋感
公不加刑責無礙應試也公嘗語人曰笞杖一加玷
不可洗牧民者慎弗以催科刑責爲常事也十二月
十八日繞道抵合肥之店埠鎮時郡城尙爲賊踞奉

委勸辦北鄉團練是年長女許字漕標副將穆公

恆

德子同春

五年乙卯三十五歲正月奉檄署合肥縣事暫駐店埠

鎮二月新祐至署店埠南接巢湖賊藪而三义河逆

勢披猖東北則土匪乘機肆虐公抵任先請停止闔

鎮舖戶門捐前任向領藩庫驛站津貼月二百金亦

請停止並募土著三百名朝夕訓練專清土匪若賊

至則爲遊兵策應其糧則取之畝捐立營於距店埠

十里之撮城鎮有王二條者以訟累在繫公訪知其

有膽氣且諳地勢拔爲勇目令自贖二條募勇至長樂河僅得百人而賊傾巢奄至自度戰必不勝退無以謝公遂乘夜涉汭河由陸路掩襲賊營比明賊謂官軍驚而潰也仍由水路回壘則百人者已殲留守之賊縱火焚其營仍渡河返長樂矣賊既不諳官兵蹤迹乃竄回巢湖南岸於是三义河之壘遂平二條上功因名之曰捷勇獎勵各有差而北鄉紳民亦辦團相輔士氣益壯合肥與壽州毘連之吳山廟地方有鄒環者倡亂團練力不敵公夜馳往擊燬其巢乃

返從此帖服北鄉爲肥邑最勁悍處不逞之徒時出
剽掠自郡治陷後官兵壹意剿賊不復以鄉村爲念
至是畏威懷德悉遵調度云賊自巢湖來援和軍門
福中丞檄公率捷勇隨邑紳李玉泉年丈逆擊敗之
保升知州先換頂戴時柘臯鎮防兵萬人爲巢縣之
賊攻潰僅存總兵吉順陝甘兵五百人亦被圍甚急
公聞警亟率捷勇進紮離柘臯十里之西山口於山
上多植旗幟以疑賊賊不敢逼後三日

欽差和春公始至以公能保全店埠歎息良久因令導引

進擊大敗之柘臯圍解公所部捷勇獻賊首一百二十餘級事聞奉

旨開建平縣缺以直隸州知州補用時王二條亦以六品軍功得賞藍翎矣公復募土民於郡城外掘濠困之南郭七里站賊壘尙堅挖濠者兩面避礮受傷累累公親巡行督率之既竣功賊糧不繼勢益孤十月朔有陷賊之沈廣慶魯受棠王子固等舉火內應遂復廬州次日公入城先察被擄難民資遣回籍盤獲匿賊百餘名訊明解營正法復請以賊餘糧賑撫城內